

地260.179
135.14

鄖陽志補

右鄖陽志十卷郡伯方山先生從戎馬中手輯成書也先生甫涖鄖慨然邦典亟圖纂修適白蓮不靖蔓延漢江南北先生扼隘設伏剿捕無算自是馳驅六屬轉餉糈撫流亡露宿風餐無虛日然運籌稍暇廼復含毫濡紙灑灑二十餘萬言或經或史或子集蒼萃鎔液勒成一家而於一方士女仗節死義者拳拳必書班彪稱史遷述序事理辨而不華質而不野范滂表壽志辭多勸誡明乎得失有益風化余於鄖陽志亦云至先生守鄖以來凡諸建白續用章章讀是書者自能道之嘉慶丁巳冬十一月朔日三臺